



## ХУҚУҚНИ МУҲОФАЗА ҚИЛУВЧИ ОРГАНЛАРИ ФАОЛИЯТИНИ ТАКОМИЛЛАШТИРИШДА ЗАМОНАВИЙ АҲБОРОТ ТЕХНОЛОГИЯЛАРИНИНГ ЎРНИ

---

*Махамадов Рустам Хабибуллаевич,  
 ИИВ Академияси Аҳборот  
 технологиялари кафедраси  
 ўқитувчиси, мустақил изланувчи,  
 Джаматов Мустафа Ҳатамович,  
 ИИВ Академияси Аҳборот  
 технологиялари кафедраси катта  
 ўқитувчиси.*

**Аннотация:** Ушбу мақолада дунёning ривожланган давлатларининг Полиция органларида қўлланилаётган энг сўнгти, самарадорлиги юқори инновацион технологиялар таҳлил қилинган бўлиб, уларни юртимиз Ички ишлар органлари соҳасида қўллаш орқали энг долзарб муаммоларга барҳам бериш ҳақида маълумотлар келтирилган.

**Калит сўзлар:** статистика, киберхужум, радио тизимили алоқа, GPS тизими, Textalyzer қурилмаси, идентификацион кўзойнаклар, сигнализация, мониторинг, кузатув камералари

Сўнгти йилларда Ўзбекистонда аҳборот-коммуникация технологияларининг ўсиши, интернетдан кенг фойдаланиш, аҳборот асрига ўтиш ва аҳборот жамияти деб таърифланган давр билан институтларнинг ўз вазифаларини бажариш усуллари ҳам ўзгарди. Ҳар бир соҳа аҳборатлашган жамият билан тенг суратлар билан ривожланмоқда. Хусусан, бизнинг ички ишлар соҳасида ҳам инновацион технологиялар кенг татбиқ этилмоқда. Лекин шу такидлаш лозимки, юртимизда қўлланилаётган инновацион технологиялар хорижий давлатларда қўлланилаётган технологиялардан ортда қолаётганини кўриш мумкин.

Статистик маълумотларда, Ўзбекистонда 2022/2023 йилларда содир этилган умумий жиноятларнинг 95,3 фоизи фош этилган, қидиувдагилар 1 833 нафар шахс ушланган, бедарак йўқолгандан 218 нафар шахс топилган. Ички ишлар органлари ходимларининг ташаббуси билан мазкур даврда 15 434 та жиноят аниқланган.



Лекин жиноятлар оламида киберхужумлар ҳамда Оммавий ахборот воситалари орқали содир этиладиган фирибгарлик жиноятларини фош этиш ҳали ҳам муаммолигича қолмоқда. Бунга асосий сабаб ҳам киберхужум фойдаланувчилари томонидан фойдаланаётган дастурий таъминотлар ҳамда инновацион технологиялар жиҳатидан ҳуқуқни муҳофаза қилувчи органларни бироз бўлса ҳам ортда қолдирмоқда. Бизнинг мақсадимиз ҳам ёш ходимларда кибер малакани шакллантириш орқали хорижий технологияларни юртимизнинг ҳуқуқни муҳофаза қилувчи органларда қўллашдир. Бу ҳаракатларимиз хорижий инновацион технологияларни юртимизнинг ички ишлар тизимида қўллаб, кибержиноятчиликни олдини олиш ва ҳуқуқбузарликлар профилактикасини самарадорлигини оширишга қўйилган илк қадамлар десак муболага бўлмайди. Қуйида биз халқаро полиция тизимида қўллаётган илғор технологиялар ҳақида батафсил тўхталамиз:

Туркия полицияси томонидан яқин даврда кенг амалиётга жорий этилган Туркияning АСЕЛСАН компанияси томонидан тақдим этилган қурилмалар бу – рақамли радио тизимли алоқа воситаси бўлиб, қурилма йирик шаҳарлар бўлмиш Анқара ва Истанбул политция бўлимларида синовдан ўтказилди. Бу қурилмани жорий этишдан мақсад: статистикага қўра, туркияда гумондорлар сони 2018 йилда 9,8 миллион гумондор бўлган бўлса, бу ракам 2023 йилда 13 миллион 97 минг 311 нафарга кўтарилди.

Бунга қўра полиция органлари ҳар бир гумондорлар билан муомала жараёнида албатта илғор технологияларга таяниши эди. Кўп ўтмай қуриламани амалиётга қўллаш жараёнида технологиядан кутилган мақсадга тўла эришилди.

Қурилма шифрланган хавфсиз алоқа, олинган маълумотларни тахлил қилиш қилиш, автомобил ва ходимларнинг жойлашувини аниқлаш, қисқа хабар юбориш, шахсий ва гурух қўнфироқлари, умумий овозли қўнфироқ, ёрдам учун бир марта босиш орқали фавқулодда қўнфироқлар тизимлари, сигнализацияси мониторинги, радио орқали телефон қўнфироғи каби функциялардан фойдаланиш мумкин. Бу қурилма ходимларнинг хавфсизлиги таминлаб бир-бирлари билан доимий хавфсиз алоқа имкониятини беради. Радио тизимли алоқа воситаси ҳозирда юртимизда қўлланилаётган body camera, профилактика инспекторлари фойдаланадиган планшетдаги айrim имкониятлар ва GPS тизими, мобил телефонимиздаги СМС, телефон ва хабарлар алмашинув функциясини, қўриқлаш хизматига уланган сигнализация тизимининг фаоллиги функцияларини қамраб олади. Ушбу қурилмани



юртимиизда жорий этиш орқали ходимларимизнинг иш самарадорлигини янада оширган бўламиз.

Эътибор бераётган бўлсак, ҳозирда ҳайдовчи автомобил бошқараётганда диққатни чалғитувчи восита бўлган мобил уяли алоқа қурилмаларидан фойдалаиш оқибатида кўплаб ЙТХ содир бўлмоқда. 2022 йилнинг 10 ойи давомида республика йўлларида содир этилган йўл-транспорт ҳодисаларида 2 мингга яқин киши ҳалок бўлган, 6900га яқин киши тан жароҳати олган. Шулардан қарийб 25% ини ҳайдовчи ва пиёдалар томонидан диққатни чалғитувчи турли хил уяли алоқа воситалардан фойдаланиб йўлни кесиб ўтиш ва автомобилни бошқариш пайтида келиб чиқкан. Бу статистика жуда катта миқдорни ташкил этмоқда, эътиборлиси ҳам уни олдини олиш чораларида айrim муаммоларга дуч келмоқдамиз. Хусусан, ЙПХ ходимлари ҳайдовчи автомобил бошқараётганда ҳамда пиёда йўлни кесиб ўтаётганда мобил уяли алоқа воситасидан фойдаланиб келаётганига ҳеч қандай далил келтира олмаяпти. Чунки ҳайдовчи ва йўловчи биргина телефонидаги қўнғироқлар журналинни тозалаб телефон дисплейида гўёки автомобил бошқарувида ёки пиёдаларни йўлни кесиб ўтишда телефондан фойдаланилмаган кўринишни кўрсатиши орқали ЙПХ инспекторининг ўринли шубҳасига якун ясамоқда. Бу жуда кулгули ҳолат.

Шундай долзарб муаммони Textalyzer қурилмаси орқали Буюк Британия Полиция тизимида ечим топилган. Полиция учун мўлжалланган Textalyzer номли қурилма фойдаланувчилар ўз смартфонларида нима қилаётгани ҳақида полицияга хабар беради. Планшет ўлчамдаги ушбу электрон қурилма ҳайдовчилар автомобилни бошқариш вақтида мобил телефонларидан фойдаланаётганини кўра олади. Бу ҳаммаси эмас, қурилма смартфонларда қилинган ҳар бир босиш, суриш ва тегинишни ҳам ёзиб олади. Ҳатто драйверлар қайси дастурдан фойдаланаётганини ҳам ко'рсатиши мумкин. Бошқача айтганда, полиция ходимлари гумонланувчининг смартфонидаги маълумотларга бир неча сония ичида киришлари мумкин. Агар фуқаро полиция ходимига эътиroz билдиrsa, полиция ходими фуқаронинг смартфонини Textalyzer га улаб, ҳайдаш пайтида ёки пиёдаларни йўлни кесиб ўтиш вақтида телефондан фойдаланаётганини текширишлари мумкин. Лекин бу қурилма омма олдида бир неча эътиrozларга сабаб бўлди. Чунки Textalyzer ҳар бир яқин атрофдаги фуқароларни смартфонидаги жараёнларни кузатиб туриш мумкин. Шунинг учун Ҳукумат бу қурилма маҳфийлик сиёсатини тўлиқ



даражада таъминлаб бериши ҳамда қурилмадан фойдаланиш фақат хавфсизлик масаласида қўлланилишини таъкидлади.

Дунёда полиция тизими кучли бўлган Хитойда ҳам полиция тизимида охирги ислохотлардан бири бу кўриниши худди кўзни қуёшдан пана қилувчи кўзойнакка ўхшаш тизимнинг яратилиши билан юзни таниб олиш, гумонланувчини тезкор идентификация қилиш, тезкор маълумотлар тахлилини ўз ичига олган смарт қўзойнак ишлаб чиқилди. Хитойда ҳам ҳар янги йил байрами яқинлашган сари, мамлакатда жуда кўп меҳмонларни қабул қилиш ва ҳар кимни шахсан текшириш жуда қийин масалага айланиб қолмоқда. Полиция маълумотларига кўра, ходимлар смарт қўзойнаклар ёрдамида қисқа вақт ичида, 7 гумонланувчи ва ёлғон гувоҳномалар остида саёҳат қилган 26 киши қўлга олинган. Жойлардаги ўрнатилиши режалаштирилган кузатув камераларидан асосий афзаллиги шундаки, смарт қўзойнакларда юзларнинг хиралашиши кузатилмайди. Камералар одамни аниқлаш учун қўзойнакдан кўра қўпроқ вақт талаб этади. Кўзойнаклар олдиндан юкланган маълумотлар базасидан одамларни таний олади. Маълумотлар базасида 10 000 дан ортиқ гумонланувчилар мавжуд бўлиб, сканерлаш 100 миллисекунд давом этади.

Аммо шунга ўхшаш қурилманинг мослашувчанлиги маҳфийлик тартибига кўра, барчада ташвиш уйғотади, сабаби улар янги кузатув технологиясини тўлиқ назорат қилинмаслиги ва бошқа мақсадларда қўлланилиш хавфи, ҳукумат раҳбарларининг ўз ваколатлар сунистеъмол қилиш эҳтимолини оширмоқда. Бу айниқса, ҳукуқ-тартибот идоралари фуқароларни тўлиқ эркинлик билан кузатиш имконини беришиликни билдиради ва ушбу смарт қўзойнаклар орқали идентификация қилиш потенциали охир-оқибат Хитойнинг кузатув ҳолатини янада такомиллаштириши мумкин. Ушбу қурилма юртимиздаги маҳаллий ва халқаро қидирудаги шахслар, гумон қилиниб суддан, терговдан яшириниб юрган, сохта ҳужжатлар асосида истиқомат қилаётганлар, шахсни тасдиқловчи ҳужжатининг муддати ўтиб кетган фуқароларни аниқлаш, ҳукуқни муҳофаза қилувчи органлар билан маълумотлар алмашинувни ҳамда шахсларни тезкор идентификация жараёнини тезкор ва аниқлигини таъминлаб беради.

### **ФОЙДАЛАНИЛГАН АДАБИЁТЛАР:**

1. <https://www.egm.gov.tr> (туркия давлати полициясининг расмий малумотлар маркази)



2. <https://buhconsul.ru/> (Британия давлати полициясининг расмий малумотлар маркази)
3. <https://uz.wikipedia.org/> (Қидирув ресурслар базаси)
4. <https://www.tuit.uz> (Мухаммад ал-Хоразмий номидаги Тошкент ахборот технологиялари университети)
5. <https://195.158.18.42/> (Алишер Навоий номидаги Ўзбекистон миллий кутубхонаси миллий нашрларнинг электрон архиви)
6. <http://www.uzscience.uz> (Ўзбекистон Республикаси фан ва технологиялар агентлиги)
7. [httr://eduportal.uz](http://eduportal.uz) (Халқ таълими вазирлигининг ахборот-таълим портали)
8. <http://gov.uz/> (Ўзбекистон Республикаси хуқумат портали)